



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

Cap. VIII. Schola humilitatis & patientiæ.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

SPECU-  
LUM SPI-  
RITUA-  
LE.

3.  
Nihil ne-  
gatur o-  
ranti per  
Christū.  
Matt. 7.  
& 21.  
Marc. 11.  
Ioa. 14.

4.  
Coridi &  
meritū  
Christi  
nostra  
commen-  
demus.

\* Pau-  
per in  
se, dives  
est in  
Christo;  
quia  
parti-  
ceps est  
thesau-  
ri meri-  
torum  
Christi.

Potes etiam dicere Deo Patri:  
*Pater clementissime, rogo te per dilectū  
Filium tuum Iesum Christum, ut mei  
miserearis, & hoc vel illud mihi dones ad  
eternam laudem nominis tui. Nam  
quandocunque aliquid piè, &  
sanctè petitur in nomine Filii,  
sive per Filium, Deus Pater gra-  
tissimam habet eam petitionem,  
cūm nihil illi charius sit ipso Fi-  
lio suo.*

Commenda bona opera & ex-  
ercitia tua sacratissimo atq; mel-  
lissimo cordi ejusdem Iesu Christi  
emendanda perficiendaque: ma-  
ximè enim id expetit cor illud  
amantissimum, & semper paratū  
est imperfecta tua excellentissimo  
modo perficere. Gaude & exul-  
ta, quia quantumvis \* pauper sis  
in teipso, admodum dives es in  
Redemptore tuo, qui meritorum  
suorum participem te esse voluit,  
qui pro te homo factus est, pro te  
jejunavit, laboravit, cruciatus  
pertulit, Sanguinem fudit, &  
animam posuit. Ingentem pror-  
sus thesaurum in illo repositum  
habes, si tamen verè humilis &  
bonæ voluntatis es.

## C A P V T VIII.

*Schola humilitatis & patientiæ.*

### §. I PRÆCONIVM HVMILITATIS.

*Pulchra descriptio encomiastica humilitatis.*

### §. II. ACTVS EIVS PRÆCEPI.

1. Cognoscere & agnoscere, se nihil esse aut  
posse sine Dei gratia, nisi peccare.
2. Agnoscere, omnia bona sua, Dei esse dona;  
illum propterea in eū, non se, laudandum.
3. Sentire se dignū esse, quem omnia affligant,  
& contemnant: idē, si eveniat, non solum ideo nō  
murrari, sed potius letari.

4. Imputare afflictiones suas peccatū suū: &  
inde timorem simul ac spem concipere, tanquam à  
paterna Domini Dei castigatione.

5. Diligere ipsos etiam hostes suos, exemplū  
Christi.

6. Tolerare longanimitè omnem marorem un-  
decunque proveniat, & quantumcunque dures,  
pro Dei amore.

### §. III. PATIENTIÆ VIRTVS.

1. Tribulatio patienter pro Deo tolerata, certū  
signum divinæ electionis.

2. Quapropter Deus, quasi delectatus patientiā  
suorum, facit cum tribulatione proventum.

3. De manu ergo illius omnia suscipienda, ut ille  
laudetur, timeatur, ametur: non vèd de manu  
creatura, quibus tantum Deus ut instrumentis  
utitur.

4. Etiam cūm tu ipse tibi causa es malorum,  
licet dolere debeas de offensa, afflictionem tamen  
ipsam velut de manu Dei letanter suscipe.

### §. I. LAVS HVMILITATIS.

QUANTIS præconiis digna  
est sancta humilitas! Moneo  
iterum atque iterum, ut hanc vir-  
tutem præcipuè secteris: nam &  
Christus hanc potissimum nos dis-  
ciscere à se voluit. Ait enim: *Dis-  
cite à me, quia mitis sum, & humilis  
corde.* Hanc semper & exemplo  
& verbo docuit. Vnde rursum  
ita loquitur: *Nisi conuersi fueritis, nō  
& efficiamini sicut paruuli, non intra-  
bitis in regnum celorum.* Hanc a-  
mantissimè respexit in Virgine  
matre sua, sicut ipsa testatur di-  
cens: *Respexit humilitatem ancillæ  
sue.* Per hanc maximè Sancti om-  
nes fuerint & sunt homines se-  
cundum cor Dei. Breuiter, in hac  
virtute consistit tota Christianæ  
sapientiæ disciplina. Si tu non  
desideras nec conaris esse humi-  
lis, frustra tibi persuades quòd  
possideas charitatem, & quòd  
amœnam habitationem in te in-  
veniat Spiritus sanctus, qui non

requie-

SPERCU-  
ZUM SPI-  
RITUA-  
LE.  
\*Humi-  
litas  
& chari-  
tatis fi-  
da est  
conjun-  
ctio.  
I. Cor.  
13.

requiescit nisi super humilem. \*  
Humilitati charitas semper con-  
iuncta est, & charitati humilitas:  
neque fieri potest, ut quis charita-  
tem habeat, si humilis non sit.  
Nam ( ut beatus Paulus ait ) *cha-  
ritas non inflatur, non est ambitiosa,  
nō irritatur, sed est patiens & benigna.*  
Sine humilitate & charitate ope-  
ra atque exercitia tua, quantum-  
vis magna esse videantur, inania  
erunt ac putria. Vera autem hu-  
militas intus in corde quærenda  
est. Si desit interna humilitas,  
externa nihil est, hypocrisis est.

§. II. HVMILITATIS PRO-  
PRII ACTVS.

1.  
*Agnosce  
te nihil ha-  
bere à te  
nisi pec-  
cata.*

\* I. iv.  
Thom.  
I. 2. q.  
109 a. 2.  
quæres,  
vtrum  
homo  
possit  
velle &  
facere  
bonum  
absque  
gratia;  
respon-  
det ex  
S. Au-  
gustino  
lib de  
Corre-  
ptione  
& gra-  
tia ca. 2.  
quod si-  
ne gra-  
tia nul-  
lum  
prorsus  
fide cogi-  
tando,

Itaque habe cor humile ac sub-  
missum. Agnosce tuum nihilum,  
tuam infirmitatem & impoten-  
tiam: agnosce tuam erga Deum  
ingratitude, tuam malitiam  
ac vilitatem. Enimvero ex te  
ipso nihil es: & sine adiutorio  
gratiæ Dei nihil boni velle, nihil  
boni agere, & nec unam quidem  
piam cogitationem concipere \*  
potes. Ex te ipso ad malum sem-  
per propensus es: & nisi Deus te  
seruaret, non est aliquid tam hor-  
rendum scelus, quod non admit-  
teres. Quare nulli, quantumvis  
flagitioso homini, te ipsum præ-  
ferre debes. Si non admisisti gra-  
via peccata, tu certe ob bonita-  
tem Dei, quæ te in illa ruere non  
permisit, & tibi virtutem bene-  
vivendi præstitit, præclariorem  
habet causam te humiliandi, quam  
habet is qui post perpetracionem  
multorum criminum veniam ob-

tinuit, & in gratiam receptus est  
à Domino.

Cum nihil in te sit propriè tuum,  
nisi peccatum, tu quidquid boni  
habet & agis, attribue Dei mise-  
ricordiæ ac benignitati; nō tuam,  
sed Dei laudem & gloriam quæ-  
rens. Ne pilum quidem ex donis  
Dei tibi assumes: nam etiam situ  
solus omnia mortalium omnium  
bona opera fecisses, tam nudus  
inde manere deberes ( quod ad  
tui reputationem, & ipsorum o-  
perum immodicam æstimatio-  
nem attinet ) ac si nihil unquam  
boni fecisses. Quid si quidpiam  
ex donis Dei tibi adscripseris u-  
surpaverisque, & propter aliquam  
gratiam internam vel externam  
appetieris ab hominibus magni-  
pendi; latet utique in te grandis  
superbia. Odio tibi sit hæc pestis  
perniciosissima: quam tamen si  
fortè sentis, non tamen illi con-  
sentias. Dic Deo: *Domine, ego ma-  
lum mori, quam consensum præbere:  
renuntio omni impuritati.* Non so-  
lum non adscribas tibi aliquid  
boni, verum etiam malorum om-  
nium quæ in mundo sunt, cul-  
pam in te retorqueas. Confitere  
te nullo modo esse dignum bene-  
ficiis ac donis quæ à Deo accipis,  
& illi gratus esto: confitere te  
non esse dignum quem terra su-  
stineat.

Certè cum tu peccatis tuis Do-  
minum summæ majestatis ac san-  
ctitatis graviter offenderis, iustū  
esset ut & Deus ipse, & creaturæ  
omnes, horrendis modis te affli-  
gerent.

five vo-  
lendo,  
& aman-  
do, five  
agen-  
do, fa-  
ciunt  
homi-  
nes bo-  
num.

2.  
*Attribue  
Deo non  
tibi met  
quid  
quid in  
te habet  
boni.*

3.  
*Tolera  
libenter  
internam  
& exter-  
nam cry-  
stem pec-  
tu tuis  
debitam.*

PECCO-  
LUM SPI-  
RITUA-  
LE.

gerent. Proinde non mireris, neque perturberis animo, quando sentis te intus aridum, sterilem, odnubilatum, instabilem, desolatnm, & velut à Deo derelictum: quando item graves & diurnæ cruces, angustia vel tentationes te premunt, & quando alii te vilipèdunt, persequuntur aut etiam cædunt, contumeliosisque ac maledictis afficiunt. Putas fortè tunc Deum tibi irasci: sed hæc ira paterna est, & ex amore proficiscitur. Non tibi displiceat tam amabilis Pater, dum te adversis exercet, aut exerceri finit. Mitesce, tolera, resignatus esto, & gratias age

4.  
Accipe  
cruces  
velut sti-  
pendium  
peccato-  
rum, &  
arrham  
diuini  
amoris.

Habe quidem moderatum timorem, sciens Deum plurimas culpas in te videre, ubi tu fortè unicam aut nullam advertis: time, inquam, & imputa peccatis tuis ea quæ sustines, ac fatere quòd adhuc graviora meritis sis: nullo tamen modo arbitreris te propter hujusmodi castigacionem non esse charum Deo. Imò verò vel hinc maximè confide te

Heb. 12.

charū illi esse: *flagellat enim Deus omnem filium, quem recipit.* Decanta in corde tuo hæc verba Prophete:

Mich. 7.

*Ego ad Dominum aspiciam, expectabo Deum salvatorem meum. Iram Domini portabo, quoniam peccavi et, donec causam meam iudicet. Educet me in lucem, videbo iustitiam eius.* Roga Dominum Iesum, ut ipse pro peccatis tuis satisfaciat: tu verò ea quæ pateris, pro amore eius perfer & tolera.

Porro illis qui te infestant ac lædunt, omnem offensam ex corde remittas, teque benignum eis exhibeas, reddens bona pro malis, æquanimiterque ac sedata mente ferens eorū & verba aspera, & truces gestus, & sæva opera, & quidquid illi demum acerbatis sive in te sive in amicos tuos contulerint. Ne verò hæc tibi videantur factu nimis difficilia, propone ante mentis tuæ oculos ea quæ pro te pertulit, & exemplum quod tibi dedit Dominus tuus Iesus Christus: qui cum pateretur, non murmurabat, non exasperabatur animo, non vindictam expetebat, sed benignissimè orabat pro suis inimicis. Nonne ingens bonum putabis tibi obtigisse, si Regi tuo similis in aliquo esse potueris?

Nonnunquam in homine bono, qui Deum purè quærit, oboritur gravissima quædam angustia & afflictio, vel ex indispositione complexioneque naturali, vel ex cæli influenza atque aëris inæqualitate, vel ex maligni spiritus operatione, aliave ex causa, Deo id permittente: tumque ipse pius homo, putans se non placere Deo, solet pacem pectoris amittere, & mœrorem perturbationemque animi incurrere. Si te corripuerit talis angor, non eum velis violenter excutere, neque multas rationes perquiras, quibus te inde eripere possis: sed suscipe ipsam pressuræ molestiam humiliter de manu Domini, tanquam

**SPECULUM SPIRITUALIUM.**  
 quam rem tibi maximè saluta-  
 rem, & eam tranquillo resigna-  
 toque animo sustine, etiam si illa  
 perduret pluribus annis, aut toto  
 vitæ tuæ tempore: ita enim Deus  
 & Angeli commorabuntur apud  
 te, tuâ humilitate & patientiâ  
 delectari.

§. III. PATIENTIÆ VIRTUS.

**I.** Tribulationes in hac vitâ præ-  
 clarissima Dei dona sunt: & non  
 est ullum certius signum divinæ  
 † electionis, quàm vt quis adversa  
 humiliter ac resignato animo  
 propter Deum toleret. Frigore,  
 æstu, infirmitate, & quibuslibet  
 alijs gravaminibus externis at-  
 que internis Deus purgat, sancti-  
 ficat, mirificæque exornat animas  
 electorum suorum. Et quos videt  
 minùs aptos esse vt torques aure-  
 as ferant, ornat eos saltem ferris  
 ac flosculis, id est, levioribus  
 tribulationibus. Numquam per-  
 mitteret vel minimum venti fla-  
 tum electis suis esse molestum,  
 nisi sciret hoc ipsis expedire ad  
 salutem. Homini utilius est, e-  
 tiam modicum gravamen pati-  
 enter pro Dei honore vel amore  
 preferre, quàm grandia opera  
 patrare. Humilis patientia, & sui

Tribula-  
 tio cum  
 patientia  
 tolerata,  
 est inter  
 eviden-  
 tia signa  
 electio-  
 nis &  
 electionis  
 Dei.

† De hoc prædestinationis signo S. Ber-  
 nardus Hom. 37 in Cantica, alludens ad  
 gradationem D. Pauli Rom. 7. gloriantis in  
 spe gloria filiorum Dei, quando ait, Non  
 solèi autem, sed & gloriamur in tribulationibus  
 scientes quòd TRIBVLATIO patientiam operatur,  
 PATIENTIA autem probationem, PROBA TIO  
 vrò spem, Spes autem non confundit: quia  
 CHARITAS Dei diffusa est in cordibus nostris per  
 Spiritum sanctum, cui datum est nobis, sic loqui-  
 tur: Ideò illa non confundit, quia illa infundit  
 certitudinem, per quam ipse Spiritus testimonium  
 perhibet spiritui nostro, quòd filij Dei sumus.

resignatio in adversis, dulcissimè  
 resonat in auribus Dei, & eum  
 homini afflicto prorsus adesse  
 facit. Hinc Propheta dicit: *Prope* Psal. 33.  
*est Dominus his qui tribulato sunt corde.*

Quid quid nunc pateris, Deus  
 ab æterno prævidit hoc te eo  
 passurum modo, quo pateris:  
 prævidit diem & horam quâ il-  
 lud pati deberes. Ceterum non  
 est quòd expauescas: nam pius  
 Dominus nihil tibi imponet  
 quod prorsus excedat vires tuas,  
 sibi optimè perspectas. Diligen-  
 tissimè interijciet manum suam  
 inter te & ignem tribulationis,  
 ne nimium graveris: quemad-  
 modum facere solet mater indul-  
 gentissima, dum parvulū filium  
 suum juxta ignem materiale  
 denudat. \* Ipsas tribulationes  
 ac pœnas tuas omnes tam parvas  
 quàm magnas, passioni sive cru-  
 ciatibus Christi conjunctas uni-  
 tasque, devotâ mente offer Deo  
 in laudem æternam: sic enim e-  
 runt inæstimabilis meriti, &  
 summè Deo placebunt.

2.  
 Ex æter-  
 na præ-  
 visione  
 in electis  
 suis cru-  
 ces viri-  
 bus no-  
 stris at-  
 tempe-  
 rat, &  
 facit cū  
 sentatio-  
 ne pro-  
 ventum.

\* Deo  
 per  
 Christi  
 pœnas  
 tuas of-  
 fer.

Disce, quæso, ea quæ tibi in  
 anima, corpore & quibuslibet re-  
 bus eveniunt, non aliunde sus-  
 cipere quàm de manu Dei: nam  
 quæcumque eveniunt ex sapienti  
 eius ordinatione eveniunt, nec  
 aliqua tribulatio sine Dei per-  
 missu te corripere potest. Etiam si  
 universi dæmones simul in te  
 irruere vellent, non possent tibi  
 vel appropinquare, \* nisi Deus  
 permitteret: vnde non illos, sed  
 Deum timere debes. Sicut dice-

3.  
 De ma-  
 nu Dei  
 omnia  
 suscipi-  
 da, quia  
 manus  
 Dei tan-  
 tum uti-  
 tur crea-  
 turæ ve-  
 lut in-  
 strumen-  
 to.

\* Hoc  
 clarè  
 apparet  
 in hi-  
 storia.

K k                      bam,

SPECU-  
RUM SPI-  
RITUALI-  
UM.

bam, disce omnia de manu opti-  
mi Domini suscipere tamquam  
optima, etiam si forte talis accidat  
calamitas & afflictio, quæ saluti  
tuæ contraria esse videatur. Ne-  
que enim fieri potest, ut non &  
optimum & utilissimum tibi sit,  
quod purè de manu Domini ac-  
cipis, cum Deus homini bonæ  
voluntatis nihil præstet nisi op-  
timum, ac saluti ipsius conveni-  
entissimum: quod ita certum est,  
sicut certum est Deum vivere. Si  
ille potestatem satanæ daret, †  
te omni reliquo vitæ tuæ tempo-  
re diris terrificisq; modis vexan-  
di corporaliter, tu fortè æstima-  
res id intolerabilem esse infelici-  
tatem, nimisq; horrendum Dei  
in te iudicium: & tamen hoc non  
solum non obesset saluti tuæ, sed  
etiam prodesset plurimum, si de  
manu Dei illud susciperes, &  
humiliter pro Dei honore atque  
amore tolerares.

4.  
Etiam  
quæ tu  
sibi as-  
seruisti  
sua cul-  
pa, de  
manu  
Dei te  
velut in-  
strumen-  
to utentis  
accipe,  
dolens de  
culpa  
sua, gau-  
dens de  
Dei boni-  
tate,  
qui in  
malo tuo  
bonum  
suum eli-  
cit.

Nec illas quidem afflictiones  
& cruces, quæ culpâ tuâ eveni-  
unt, vel quarum causa tu es,  
aliunde suscipias quàm de manu  
benignissimi Dei. Semper tamen  
tibi displiceat malum quod fe-  
cisti: neque ullo modo culpam  
conferas in Deum, qui peccati  
auctor numquam est; nec in dia-  
bolum, qui te cogere non potuit  
ut peccares; sed tibi soli illam  
imputa, qui peccato consensisti.

† Ad hanc rem considerationes lectu di-  
gnas ex aureo eloquentiæ flumine effundit  
S. Ioannes Chrysostomus lib. de Providen-  
tia Dei ad Stagirium Monachum, quem so-  
latur in mœrore, quia à diabolo obsideba-  
tur.

Quandocumque molestum aut  
acerbū quidpiam à creaturis tibi  
infertur, mox converte cordis  
oculos ad Creatorem Patremque  
tuum cælestem, qui hoc ex amore  
pro tuâ utilitate permittit. Illum  
attende potiùs quàm creaturas  
quæ tribulatione inferunt: hæ  
enim tamquam instrumenta &  
secures atque ascie sunt, quibus  
summus ille Artifex utitur sicut  
vult, & sicut electis suis utile esse  
novit. Si quories homines de te  
vel de tuis malè loquuntur, aut  
iniuriam aliquam tibi irrogant,  
perturbaris, ac patientiam ab-  
ijcis; tranquillitas animi tui non  
in Deo, sed in hominibus locata  
est, dependetque ab hominibus.  
Quod si ita esset, miser utique &  
nimis infelix esses.

### CAPVT IX.

#### Resignationis doctrina & varia exercitia.

1. Resignatio perfecta vera tranquillitatis fons  
est & origo; ac mirificè Deo grata est.
2. Inde in tribulationibus & pressuris maximè  
secura est, & gustum quendam habet Diuinitatis.
3. Eius est, tractum & motum Dei manifestum  
& certè agnitiū libenter sequi: in alijs permi-  
tere se diuinae providentiæ.
4. Perfectio verò illius est, Dei iustitiam erga  
se diligere, acque atque eiusdem misericordiam.
5. Deus enim vult nobis omne bonum: tantum  
modò petit animum resignatum.
6. Securitas igitur mentis resignata maxima est;  
ut pote fundata in immensâ Dei erga suos bene-  
volentiâ, imò erga peccatores.
7. Etiam omnem, aut partem omnem vitam malo  
triuerint dummodò tandem penitentiam verè a-  
gant.
8. In eo etiam, qui nondum est perfectè resi-  
gnatus, velle autem esse, hoc ipsum desiderium  
acceptat & approbat Deus.
9. Homini igitur resignato omni inordinata tri-  
stitia pro suo est repellenda.

RBSI-